



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XLIX. Vitia Religioni opposita. Atque imprimis supersticio.

[urn:nbn:de:hbz:466:1-73203](#)

ritò excipiunt vota statùs , qua fiant ex vi particularis Instituti à Sede Apostolica approbati, cujusmodi est votum obedientia, quod in sua professione emittere solent Tertiarii & Tertiariæ nostri Carmelitici Ordinis. Quia ejusmodi vota sunt speciali notâ digna , estque recepta ista juris regula, in generali concessione non veniunt, qua speciale rationem habent. 5. in voto assumendi Ordines sacros, vitam eremiticam, devotariam, &c. 6. in voto peregrinationis ad Virginem Lauretanam, & quarumcumque aliarum peregrinationum, exceptis tribus supradictis. 7. in voto transiendi ad religionem strictiorem. Sic ex communis sententia Sotus l. 7. q. 3. a. 1. Navarrus, Suarez, &c. Idem afferentes de voto ingrediendi religionem strictiorem, non quoad substantiam (quomodo est reservatum) sed quoad qualitatem illam strictioritatis ; sicut & de voto, quo quis vovisset peregrinari pedibus in Hierusalem, quoad ly pedibus.

386 Advertant tamen, sive Confessarii proximè dicti, sive alii quicumque dispensandi potestatem habent, nullam in votis dispensationem esse validam, nisi sub sit causa. Ita omnes communiter cum S. Thoma a. 12. ad 2. Tum quia potestas dispensandi in votis non est dominativa, sed dispensativa, à Domino data in adificationem, non in destructionem. 2. Cor. 10. Tum quia humana autoritas validè condonare non potest quod Deo debetur, nisi Deus ratam habeat condonationem. Deus autem rationabiliter non presumit ratam habere condonationem rei sibi debitæ, ab homine factam, dum non tam condonatio est, quam dissipatio ; qualem S. Bernardus censet esse dispensationem sine justa causa factam.

387 Potò juntas in votis dispensandi causas S. Thomas ibidem in corpore duas assignat, honorem Dei, & Ecclesiæ utilitatem : *Omnis dispensatio petita à Prelato deber fieri ad honorem Dei, in cuius persona dispensat, vel ad utilitatem Ecclesiæ, qua est ejus corpus.* Ad honorem Dei reduci posse videtur tertia causa (quam Sotus l. 7. q. 4. a. 3. & Navarrus c. 12. n. 77. addunt) magna scilicet fragilitas ventis, quâ timetur per violationem voti Deum inhonoratus, nisi cum ipso dispenseatur. Verum ea in re magnâ opus est prudentia, jureque metuendum, ne plerique dispensatores errant : quia queritur inter dispensatores ut fidelis quis inventatur. Et ideo imperiti onus istud dispensandi facile non debent suscipere, nisi graviter errandi periculo se velint expōnere, tamquam mali dispensatores, in rebus Domini temerè se gerentes.

C A P U T X L I X.

Vitia religioni opposita. Atque imprimis supersticio.

388 Hactenus de religione egimus, deque aliis suis ipsius; superest ut de vitis religioni oppositis agamus. Porro religioni duo vitia Tom. II.

oppontuntur, unum per excessum, videlicet supersticio : alterum per defectum, scilicet irreligiositas. *Supersticio religioni per excessum opponi dicitur, non quod Deus cultu nimio coli possit, sive quod amplius veri cultus Deo queat exhiberi, quam religio prescribit; sed quia supersticio exhibet cultum divinum vel cui non debet, vel eo modo quo non debet,* ait S. Doctor q. 92. a. 1. in corp.

De irreligiositate infra, hinc de superstitione, 389

qua nihil aliud est nisi inordinata religio, seu vitium religioni oppositum, quo cultus divinus vel exhibetur ei cui non oportet, vel ipsi Deo aliter quam oportet. Unde dividitur in superstitionem falsi Numinis, & superstitionem veri Numinis, sive in eam quâ cultus soli Deo debitus redditur creaturæ, & eam quâ vero Deo exhibetur cultus falsus, vel superfluus, prout faciunt Judæi, adhuc modò ei veteris legis sacrificia offerentes. Quod profectò est mortale peccatum : quia, Apostolo teste, lex vetus non tantum est mortua, sed etiam mortifera ; sacrificia quippe illa Christum venturum significantia hodie sunt contra fidem, quâ Christum jam venisse credimus. Et hoc reducitur peccatum eorum, qui ligna vel ossa promiscua pro veris & sacris Reliquiis fidelium venerationi supponunt, vel miraculofas imagines lucrandi vel decipiendi causâ mentiuntur, falsavè miracula & revelationes studiosè prædicant, sicut & quicumque superfluum Deo cultum exhibent ; superfluum (inquam) vel 1°. ratione disproportionis cultus ad finem ipsius cultus (qui est ut homo det gloriam Deo, eique se subiicit mente & corpore) vel 2°. ratione contrarietatis, aut dissimilitudinum cum ordinariis ritibus, usque Ecclesiæ, à qua sicut fidei mysteria, sic Deum colendi ritum disceire nos oportet, nec ipsa inconsultâ recipere quidquam habens speciem contrarietatis cum Ecclesiæ ceremoniis, vel 3°. ratione ineptitudinis ad promovendam pietatem, qualis reputatur in ritibus quibusdam vanis, humanae fictione adinventis, qui ad Dei gloriam & pietatem nihil proficiunt, v.g. quod oratio in tali charta in cera virgine scribatur, vel 4°. ratione certitudinis vanæ, id est non fundatae in divina promissione, expressâ vel tacitâ (qualis habetur per experientiam ab Ecclesia probatam, v.g. pro rabie apud S. Hubertum) quâ certi homines, certò credunt se, vel alium, à tali morbo, vel incommodo miraculosè liberandum, v.g. gestando Agnum Dei, Evangelium sancti Joannis, verba sacra Scripturæ, Sanctorum Reliquias, aliaque ejusmodi amuleta, ex se quidem pia, sed quibus nulla infest nec virtus naturalis, nec divina promissio, quod per talia media id certò fieri.

Pium est quidem gestare Agnos Dei, alia que ejusmodi amuleta, sed sic ut concurrant sex conditions à S. Thoma q. 96. a. 4. prescriptæ. Prima, quod nihil falsi contineant contra Scripturam, vel Ecclesiæ doctrinam. Secunda, quod nihil in iis scriptum sit, quod

sapiat dæmonum invocationem. Tertia, quod ignota non contineant nomina. Quarta, quod S. Scripturæ verbis vana non mitcean- tur verba, vel signa. Quinta, quod nulla spes ponatur in modo ligandi, vel in instrumen- to quo continentur. Sexta, quod nullus infallibilis effectus à talibus expectetur, vel promittatur, à Deo non promissus, ut suprā.

391 Omnis itaque ille veri Dei cultus est superflaus, eoque titulus superstitionis, quo a liquid ad Dei cultum usurpatur præter Dei & Ecclesiæ institutionem, receptamque fide- lium consuetudinem, nec congruit fini cultus divini. Superfluum quippe est medium quod fini non congruit. Finis autem divini cultus est ut homo det gloriam Deo, & ei se sub- jiciat mente & corpore, prout dixi. Et ideo quidquid homo facit quod pertinet ad Dei gloriam, & ad hoc quod mens hominis Deo subjiciatur, & etiam corpus, per modera- tam refrænationem concupiscentiarum, secundum Dei & Ecclesiæ ordinationem & consuetudinem timoratorum quibus convivit, non est superfluum in divino cultu. Si autem aliquid sit, quod, quantum est de le, non pertinet ad Dei gloriam, neque ad hoc quod mens hominis feratur in Deum, vel per quod carnis concupiscentiae inordinatae refrænen- tur; aut etiam si fiat præter Dei & Ecclesiæ institutionem, vel contra communem timo- ratorum consuetudinem (qua secundum Au- gustinum epist. 36, alias 86, ad Casulanum pro lege habenda est) totum hoc reputandum est superfluum, & superstitionis: quia in ex- terioribus solum consistens, ad interiorem Dei cultum non pertinet. Unde Augustinus l. de vera Religione c. 3, id quod dicitur Luc. 17. regnum Dei intra vos est, inducit contra superstitiones, qui scilicet exterioribus princi- paliter curam impendunt.

392 Superstitionis falsi Numinis, juxta sanctum Augustinum l. 2. de doctr. Christ. cap. 20. & S. Thomam q. 92. a. 2. tres sunt species, idolatria, divinatio, & vana observantia, ad quam reducitur magia superstitionis.

393 Irreligiositas est vitium deficiens in cultu Deo debito, describique potest irreverentia erga Deum, resque sacras. Sub ea compre- henduntur tentatio Dei, sacrilegium, blasphemia, simonia, & perjurium. De quibus omnibus consequenter est agendum.

C A P U T L.

Idolatria peccatorum omnium gravissimum est, si gravitas ipsius consideretur ex parte peccati.

394 *I*ta docet S. Thomas q. 94. a. 3. Est enim idolatria, quando honor soli Deo debitus creaturæ defertur, & ipsa pro Deo agnoscitur. Quod profectò gravissimum est crimen læsæ Majestatis divinæ. *Sicut enim in terrena Republica gravissimum esse videatur, quod aliquis honorem regium alteri impendat, quam vero Regi, quia, quanum in se est, totum Rei-*

puplica perturbat ordinem; ita in peccatis que contra Deum committuntur (qua tamen sunt maxima) gravissimum esse videtur, quod aliquis honorem divinum creaturæ impendat. Quia, quantum est in se, facit alium Deum in manu, minorem principatum divinum. Proprius quod à Tertulliano l. de idololatria dicitur principale crimen generis humani, summus fa- culi reatus. Et à S. Gregorio Nazianzeno o- rat. 38. extreum & primum malorum.

Dixi, si gravitas ipsius consideretur ex parte peccati: quia si consideretur ex parte pec- cantis, sicut dicitur gravius esse peccatum ejus qui peccat scienter, quam ejus qui peccat igno- ranter; secundum hoc nihil prohibet, gravius peccare hereticos, qui scienter corrupti sunt quam acceperunt, quam idololatrias igno- ranter peccantes. Et similiter etiam aliqua alia peccata possunt esse majora, propter ma- jorem contemptum, ait S. Thomas ibidem.

Idolatria aliqua esse potest dumtaxat ex- 396 terior, quâ quipiam exterius, non interior idola colit. Et ista minus quidem peccatum est, quam idolatria interna simul & exter- na; est tamen etiam ipsa grande peccatum. Quia, ut S. Thomas, cum exterior cultus sit signum interioris, sicut est perniciosum menda- cium, si quis verbis afferat contrarium ejus quod per veram fidem tenet in corde; ita est perni- ciosa falsitas, si quis exteriorem cultum exhibet alicui contra id quod sentit in mente. Unde S. Augustinus l. 6. de Civit. Dei c. 10. de Se- neca, qui exterius, non interior idola coluit: iste (inquit) quem Philosophia quasi liberum fecerat, tamen quia illiberrim Populi Romani Senator erat, colebat quod reprehendebat, age- bat quod arguebat, quod culpabat, adorabat. Quia videlicet magnum aliud cum Philosophia docuerat, ne superstitionis effet in mundo: sed propter leges ciuitatum, moresque hominum, non quidem ageret singularem Scenicum in thea- tro, sed imitaretur in templo; eo damnableius, quod illa qua mendaciter agebat, si ageret, ut eum populus veraciter agere existimat. De talibus Dominus ait: Qui me erubuerit coram hominibus, erubescam. Et ego eum coram Pa- tre meo.

C A P U T L.

Gravissime peccant, tam divinationem, ma- giam & sortilegum exercentes, quam aris- los, magos, sortilegos consulentes, eorumque operæ uentes.

ID enim divinâ lege sub gravissima poenæ 397 interminatione prohibitum est. Levit. 19. *Nisi declinetis ad magos, nec ab aris scifi- citemini, ut polluamini per eos. Et c. 20. An- nua quæ declinaverit ad magos & aris, & fornicata fuerit cum eis, ponam faciem meam contra eam, & interficiam eam de medio populi mei. Deut. 18. Omnia hec abominabitur Dominus.*

Enimvero quid magia? *Est superstitione que su- pendit quadam & insolita facit supra vires ho- minum, virtute à dæmonie accepta ex pacto cum*